



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 410
fax. +387 33 726 414
e-mail: info@voda.ba

Broj: **UP-1/21-2-40-240-9/23**

Datum: **06.09.2023. god.**

«Agencija za vodno područje rijeke Save» Sarajevo rješavajući po zahtjevu pravnog lica «SISECAM SODA LUKAVAC» d.o.o. Lukavac za izmjenu rješenja o vodnoj saglasnosti broj: UP-1/21-2-40-240-3/23 od 27.06.2023. godine, na osnovu člana 109. stav (1) tačka 11. Zakona o vodama («Službene novine Federacije BiH», broj 70/06) i člana 262. Zakona o upravnom postupku («Službene novine Federacije BiH», broj 2/98 i 49/99) d o n o s i

R J E Š E N J E **o izmjeni rješenja o vodnoj saglasnosti**

1. Mijenja se rješenje ove Agencije broj UP-1/21-2-40-240-3/23 od 27.06.2023. godine o vodnoj saglasnosti za sanaciju nasipa postojećih taložnica „Bijelo more” (taložnice 1, 2 i 3), izgrađenih u općini Lukavac u smislu izmjene uslova u tačkama 4.2. i 4.3. dispozitiva, te iste glase:

Tačka 4.2. glasi:

Da se do realizacije projekta, Uređenje korita rijeke Spreče u Lukavcu, izvedu radovi na sanaciji dijelu taložnice broj 2 (na stacionaži 0+500 km do 0+800 km) u dužini cca 300 m, kao privremeno tehničko rješenje, u skladu sa Aneksom projekta – „Dopuna projekta usaglašavanja projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu” urađen od strane Rudarski institut d.d. Tuzla, august 2023. godine na koji je data vodna saglasnost. Aneks projekta ovjeren od strane ove Agencije se vraća investitoru na trajno čuvanje i sastavni je dio ovog rješenja.

Tačka 4.3. glasi:

Da se o trošku podnosioca zahtjeva, kada budu vršeni radovi realizacije projekta Uređenje korita rijeke Spreče na predmetnoj dionici, uklone objekti izvedeni u zoni korita vodotoka u sklopu sanacije taložnice broj 2, a koji su u koliziji sa tehničkim rješenjem uređenja korita vodotoka, kao i da se izvrši prilagođavanje rada taložnice u cilju nesmetane realizacije projekta uređenja korita rijeke Spreče u zoni taložnice 2.

2. U ostalom dijelu rješenje ostaje nepromijenjeno.

O b r a z l o ž e n j e

Pravno lice «SISECAM SODA LUKAVAC» d.o.o. Lukavac, se dana 07.08.2023. godine, aktom broj: 2544/23, obratila ovoj Agenciji sa zahtjevom za izmjenu rješenja o vodnoj saglasnosti za sanaciju nasipa postojećih taložnica „Bijelo more” (taložnice 1, 2 i 3), izgrađenih u općini Lukavac u smislu izmjene uslova u tačkama 4.2. i 4.3 dispozitiva u istom.

Uz zahtjev za izmjenu Rješenja o vodnoj saglasnosti dostavljana je slijedeća dokumentacija:

- Dopuna projekta Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu” urađen od strane Rudarski institut d.d. Tuzla, maj 2023 godine;
- Revizorski izvještaj Dopuna projekta Usaglašavanja projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu”, urađen od strane „EDI-ING” d.o.o. Donji Vakuf;
- Aneks projekta - Dopuna projekta Usaglašavanja projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke

Spreče u Lukavcu² urađen od strane Rudarski institut d.d. Tuzla, august 2023 godine. Razlog izmjene vodne saglasnosti u navedenoj tački jeste rizik odgađanja realizacije radova sanacije taložnice broj 2 na stacionaži 0+500 km do 0+800 km (u dužini oko 300 m). Navedena dionica je u koliziji sa tehničkim rješenjem uređenja korita rijeke Spreče, a planirana realizacija sanacije taložnice na tom potezu je trebala biti izvedena nakon izvođenja radova na uređenju korita rijeke Spreče ili da se radovi izvode paralelno. Imajući u vidu činjenicu da nije poznato kad će doći do realizacije projekta uređenja korita rijeke Spreče na navedenoj dionici i činjenicu da je sanacija nasipa postojećih taložnica „Bijelo more“ (taložnice 1, 2 i 3) je pokrenuta nakon incidentnog pucanja taložnice broj IV, s ciljem postizanja sigurnosnog aspekta i onemogućavanja sličnih incidentnih situacija predloženo je od strane podnosioca zahtjeva privremeno tehničko rješenje za izvođenje radova na predmetnoj dionici koje će biti realizovano u skladu sa Aneksom projekta na koji je data vodna saglasnost. Privremeno tehničko rješenje, prema dostavljenom aneksu projekta, će obezbijediti stabilnost taložnice 2 u prelaznom periodu dok se ne pristupi realizaciji projekta Uređenja korita rijeke Spreče na toj dionici.

Podnosilac zahtjeva se izjasnio da će se izvedeni objekti u zoni korita vodotoka u sklopu sanacije koji se smatraju privremenim rješenjem ukloniti o trošku podnosioca zahtjeva kako bi se omogućilo izvođenje radova na Uređenju korita rijeke Spreče kao i izvršiti prilagođavanje rada taložnica u vrijeme izvođenja radova

Navedeni razlozi su ocjenjeni kao opravdani i iz tih razloga trebalo je riješiti kao u dispozitivu ovog rješenja.

POUKA O PRAVNOM LIJEKU

Protiv ovog rješenja može se izjaviti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema rješenja. Žalba se ulaže putem ove Agencije ili preporučeno u dva originalna primjerka.

Žalba se taksira sa 15,00 KM administrativne takse u biljezima, a po tarifnom broju 3. Tarife federalnih upravnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- «SISECAM SODA LUKAVAC» d.o.o. Lukavac, Prva ulica br.1, Lukavac (Prilog – tehnička dokumentacija navedena u obrazloženju ovog Rješenja - Glavni projekat, Revizionni izvještaj, Aneks projekta)
- AVP Sava, ISV – Vodna knjiga
- Sektor 30
- Sektor 40, arhiva
- oglasna ploča AVP - Sava